

南木誌

和書門	
二	三
五	四
六	三
七	三
八	號
冊	架

270

內閣文庫	
五	三
五	五
八	四
八	三
架	冊
號	類

傳記
五ノ一

內閣文庫	
番號	和 23543
冊數	8 (1)
函號	155 270

155-270



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak




文久壬戌仲秋

南木誌

虎杖園藏版


淺草文庫

町田久成獻納之章



南木誌序

外給使氏家宗古出入予家二十餘年矣其為人洒落不以聲利紛華經意蓋外給使者賤僚也出入權門勢家各悅以取媚比之皆然獨宗古在其間卓然自立可謂難矣一自宗古謂予曰同僚有中山文節者好讀書嘗讀國史欽拙公三世之忠烈又讀清張鵬翮忠武誌竊有感焉蓋武侯與拙公事業雖不同其忠烈則一也乃效忠武誌編纂此書名曰南木誌曰夫張氏者清之大臣其名籍甚一時宜使侯慰于地下也自顧某之賤劣豈敢比之哉予嘗屢見文節



於朝雖不知其爲人何如而宗古之所友必知非
谷悅取媚之徒也因取閱之歎曰公之於世猶武
侯之於曹丕司馬懿其唱大義討姦賊皆出于天理
之正炳如日星嗚呼使帝信用公謀則尊氏死逆豈
得遂其志哉夫尊氏得志於一時而身爲天下之大
僇兒童走卒恥稱其名公戰沒荒野孤魂無歸而百
世之下聞公風者沁心刺骨取義成仁之氣不覺油
然自生其得失果何如也可謂天定勝人矣且公之
所喜唯義而已何必其人之尊卑是問今文節與容
悅取媚之徒接肩並膝獨知義之貴如是則公在天

之靈可以少慰焉而宗古取友之不苟亦可併傳矣
是爲序弘化戊申仲春節山板倉勝明題於甘雨書
堂南窗下

敘

皇國君臣之義冠於萬邦而楠氏一家爲其稱首父
歿而子繼之子歿而孫繼之至雲仍未昆終不改南
嚮之志殲其種族而止雖皇國多忠義之門蓋有一
而無二猗嗟盛哉江戶大城給事中山文節平生欽
慕中將嘗仿清人張氏忠武誌謀緝南小志聞我藩
先輩津阪孝綽有忠聖錄來請見之余爲瞻寫而贈
焉文節大喜頗採入之又有所搜獲遂集大成之爲
卷者八楠氏遺事逸話及諸家所作題咏盡登於編
欲梓以廣其傳屬余校且序之嗚呼文節之於楠氏

亦可不謂忠臣耶余嘗竊謂我邦皇統萬世與天壤
共敝雖曰神明之遺德而忠臣義士亦與有力於其
間焉而前於楠氏者莫盛於楠氏後於楠氏者亦莫
盛於楠氏至今五六百年士大夫欲忠於其君者皆
師法中將是中將爲天地植綱常爲人倫垂軌範也
萬世臣道之鑑於是乎立矣故楠氏之忠於一時乃
所以忠於萬世而文節忠於楠氏亦所以忠於皇國
蓋欲師法楠氏不可不詳楠氏事蹟欲詳楠氏事跡
舍此書將安求焉苟此書之行必能廉頑立懦扶綱
常裨人偏者亦不少小此文節之所以忠於皇國而

予所以深有取焉但文節志行之美學識之卓安中
侯賜序悉之是萃衮之褒孰又加之故余不敢贊稱
其人而贊成其書不特成文節之志亦所以成津阪
氏之志而余平生之志亦自行其間焉豈可無一言
耶乃不拒文節之請而爲之序

嘉永己酉孟夏念有九日津藩鐵研學人齋藤正謙
謹撰

Blank page with vertical lines, likely a table or a page with very faint text.

南本誌自敘

余嘗讀清張鵬翮忠式誌有感焉自古名臣賢將世不乏其人然若楠公忠義貫霄漢徹金石其鴻勳偉烈彰彰乎在人耳目五百年猶一日扶植世道人心於無疆豈不猗且盛哉但恨從前為楠氏所著之書未觀集其成如忠武誌者也余居恒慨焉不自揆淺陋官務鞅掌之暇每見有國乘及詩文雜記關係于楠氏者隨而蒐錄竊效張氏體裁略得就緒名曰南本誌茲獲津滌先儒津坂翁東陽忠聖錄者亦頗類余以細而薈萃極博考據極精可謂先得我心者矣

遂又錯綜而援引之以爲八卷自顧才疎學淺固知不免僭妄之罪也乃述此舉之始於張氏而成於畢叔翁者爲之序不敢掠先輩之美亦余志也弘化四年丁未梅雨月中山利質謹識

南木誌例言

南木誌例言

- 一此編所載正成正行正儀父子本傳皆據常史及忠聖錄如楠族諸傳採南山史補之南山史與常史各有詳略既出于常史者依舊不改
- 一年表揭正成正行而不揭正儀者非敢略之也以其生卒不可的考故也
- 一楠氏世系諸書所載大同小異真贋未詳今姑就諸書纂錄以俟後考
- 一此編所收楠氏三世遺文率取名山古刹之藏足以証據者故雖國字俗牘亦臨模登錄不敢妄修

一辭存廬山具面目也嗜者幸勿疑不倫

一楠氏兵書流傳於世間者不夥率山兵家者流之影撰不足采用也但河內石川郡慈眼寺則藏楠公真蹟筆錄一卷天游小田原侯賜序命寺僧緘勝獨為真物予謁望日久頃幸得一寓目焉然本寺祕龔固不欲公于世故此編割愛不纂收考古之士宜就真蹟而參訂焉

一安永中或相謀欲建正行碑請釋顯常撰文而事遂不成惜哉然亦前輩之文不欲刪落蒐錄以備參考

一三楠實錄正行戰功圖會皆坊間俗書其序文不在采錄之例唯以楠公記序成縉紳家之筆終存焉

一諸家題咏序次不分以近古體裁貴賤優劣率從作者之先後但如楠氏二世諸論以歷代序之其體裁固不與題咏同也

一諸侯題咏更言某侯某以分之從史體也
一後人題咏和歌國文今署以真名據常史及他志傳之體

一國字成冊如南方紀傳櫻雲記者汗牛充棟不遑

摘錄故本編悉從刪落但漫筆劄記有言及楠氏
雖國字或文者抄譯纂收以備史氏之采也
一予譏劣寡聞所引典籍挂一漏百滄海遺珠搜獲
不遑庶幾後之君子補正之是余之宿志也

中山質識

征夷府給事中山利質謹再拜稽首上書

節山叔倉侯閣下利質少而孤加之天性慇懃凡百

無能唯嗜讀書然奔走衣食不能專力於問學是利

質平昔之所慨嘆也利質讀國史有欽楠中將之爲

人因欲彙纂其事蹟勒成一書以寓景慕之私者有

年於此矣遂不自揆妄從事編纂家貧乏載籍引證

率多闕畧雖理稿略就緒而藏之筐中不敢示人恐

得掛漏之譏也同僚氏家光蕃利質父執也久荷

閣下之殊遇常語

閣下好學愛才至于寸長隻美爲之獎揚不已利質

仰慕之餘話及此且謂曰夫中將精忠義烈實為萬世人臣之懿範矣然而中將家乘編纂之任固非賤劣如者利質所能辨也倘得王公貴人之筆庶幾足慰中將在天之靈矣是利質之所以有竊仰於閣下也不圖光蕃以其狀達之於將命者

閣下不罪其僭踰特垂哀矜許以傾藏遍讀之於是乃自忘賤劣敢因光蕃恭獻舊稿於左右伏請慈正爾後奉謁于

府朝

閣下懇懇賜

示諭聽政之暇辱加刪正且撰中將像贊及高序一篇賜之利質感泣不自禁竊謂自補中將薨迄今五百年間西山源義公題碑之外未嘗聞有王公貴人之贊辭也今得

閣下之大手筆利質積歲之素志一朝而遂矣知遇之感銘肝不啻而又蒙

閣下之厚眷使利質涉獵群藉得完其業則不獨利質拜

閣下之賜亦足慰中將在天之靈矣利質宜如何報其盛德也但恨光蕃腕就木不及見此書之脫稿也

謹以南木誌八卷繕寫
進呈慶瀆左右賜以
訓誨幸甚幸甚不勝侍愛
念其突冒無任惶悚屏榮
之至

嘉永二年己酉月

征夷府給事中山利質
恐懼再拜

南木誌目錄

卷一

本傳

卷二

年表

卷三

遺事

遺文

遺訓

南米志 卷之二 勝蹟

勝蹟

卷四

碑記

贊

卷五

論

卷六

辨

評

前木序文

卷七

詩

賦

卷八

和文

和歌

南米志

卷之二

十一

南米志

國史纂論

脩史始末

日本史稿

室町紀略

三忠傳

猶河州傳

忠聖錄

南山遺芳錄

本朝孝子傳

諸家系圖纂

公卿補任

國朝諫諍錄

玉石雜誌

本朝名臣傳贊

讀史贅議

良齋史論

行在或問

關城逸史

陸宣公全

楠公餘筆

集義和書

駿臺雜話

塵塚物語

鹽尻

讀書會意

滄海一滴

遺老物語

退私錄

橘窗茶話

新安手簡

白雉帖

彌正儀降參考

耳比磨利帖

牟山紀聞

和方彙函

三才雜說

睡餘錄

安齋叢書

秦山隨筆

常山樓筆餘

靜寄餘筆

不書

日本樂府

賜蘆拾葉

草偃和言

高山處士集傳

河內志

大日本地理志

攝津名所圖會

河內名所圖會

漫遊文萃

北道遊簿

射方小志

泰菴戲言

北窗瑣談

士道要論

清之舍叢書

支峯雜錄

文會雜記

花押藪

南行雜錄

松陰年錄

侗菴新論

良將運德抄

熙朝詩薈

義公常山文集

羅山文集

鶯峰文集

舜水文集

省菴文集

仕學齋文集

魯齋文集

遁菴詩集

梅洞詩集

晚亭詩集

錦里文集

垂加文集

淡泊齋文集

仁齋詩集

鳩巢文集

紹述文集

觀瀾文集

百娛集

蛻巖集

儼塾集

餘齡長律集

南郭文集

紫芝園稿

常山樓文集

綠竹園詩集

龍門文集

周南文集

江陵

嚶鳴館詩集

帆丘

嚶鳴館遺稿

山陽行錄

蘭臺遺稿

凌雲樓集

高陽詩稿

澹園稿

栗齋按勝草

新川集

子蘭文集

金蘭詩集

希髮偶詠

雙桂集

岳東海文稿

藻海文集

谷子天明後稿

白山集

市隱草堂集

橘菴詩鈔

雪樓詩鈔

桃花園遺稿

草廬文集

介石遺稿

小雲樓稿

北禪遺草

六如菴詩抄

春水遺稿

栲亭文集

大峰文集

大峰詩集

百娛齋遺草

鬢髮山人集

藁園集

涵月樓詩存

莫陰略稿

履軒弊帚

履軒古風

永蓮殘香集

拙齋詩鈔

栗山堂詩集

鶴一樓文集

石英遺稿

石梁文集

半間園遺稿

高眠亭錄稿

脩靜菴遺稿

王屋文集

黃葉夕陽村舍詩

霞亭遺稿

幽谷詩集

愚山文稿

烏涯遺稿

如蘭集

聿修館遺稿

鏡水遺藁

山陽詩鈔

山陽遺稿

侗菴詩稿

小竹齋詩文稿

良齋詩稿

鐵研齋存稿

錦城詩稿

犀巖集

枕上集

五山堂詩稿

詩聖堂集

川齋小集

獨喻集

坤齋詩存

春樵隱士家稿

謙菴遺稿

顧齋遺稿

嘉聲軒文約

嘉聲軒詩約

山陽書後

虎山詩集

寧靜閣詩集

遠思樓詩鈔

梅墩詩鈔

朴齋詩稿

霜山詩稿

寸碧樓詩稿

我爲我軒詩抄

子規亭詩

鐵研堂文粹

西馨詩稿

海莊集

竹外亭詩稿

行雲樓遺稿

竹堂詩文稿

三鹿文稿

松陰餘事

聿菴詩集

絲竿村莊抄

得齋詩集

遠帆樓詩集

春雨樓詩抄

枕山詩鈔

學詩堂詩鈔

海紅園詩稿

望野亭詩鈔

朗廬詩稿

善身堂詩鈔

尚友館詩稿

乾齋零稿

溫山文集

帆足文集

須靜堂集

名家詩錄

東湖古風

復齋遺稿

三溪文稿

六石亭初稿

倦遊詩草

靖亭詩稿

招月亭詩抄

篁墩詩鈔

竹坡詩稿

葵陵詩稿

鴻爪集

毅堂詩稿

野史咏

芳野新詠

畏堂咏史百絕

百將新詠

日本咏史稿

報桑錄

嘉永卅五家絕句

南紀風雅集

三草集

文苑玉露

琴後集

鈴屋集

閑田文草

薩摩紀行

咏史國詩百首

竹堂詠草

誠軒詩集

武藏野集

竹雨齋詩抄

梯園詠草

詠史歌集

草綠集

綱目 卷之十一 紀史

贈正三位左近衛中將楠公贊

光岳鍾秀 生若楠公 笠置夢兆 非羆非熊

上臣之節 蹇、匪躬 手擎日月 氣摩蒼穹

天步艱難 跋胡蹙尾 奸兇得志 長蛇封豕

殺身為仁 維公父子 百世之下 可以興起

伊豫守從五位下源朝臣勝明謹贊

贈正三位左近衛中將楠公圖像世俗所傳寫率皆
無稽遍募諸四方終未足取信大史公所謂鈞之未
睹容貌者也後閱源筑州退私錄曰河內石川水分
社楠氏世所崇奉左側有楠公祠奉祀木像束帶儼
然當時遺影稱南木明神正平帝所賜號也余於是
拊髀雀躍潔齋以往請典祠者啓龕瞻拜面相衣紋
精爽如在敬摸寫以歸積歲所祈竟獲冥助為喜可
勝言耶 忠聖錄

楠木正成傳 楠木正成字正成 河内人 幼而岐嶷 有異 年十歲 父正時 命為僧 名正成 後復為士 正成少時 嘗與父遊 於山 正成嘗曰 吾父之志 在於天下 吾亦當效之 正成嘗曰 吾父之志 在於天下 吾亦當效之

楠木誌卷一

中山利質編輯

後村上帝嗣 後醍醐帝而立 光明帝者尊氏之所立也 其正閏不待論而明矣 然當時憚朝廷與足利氏無敢論之者 近時村田通信楠河州傳記事 詳確議論頗可觀 而如載公奏請誅義貞 召尊氏乖謬殊甚 獨及常史一出 皇統正閏人臣順逆炳々 乎如披雲霧 觀日月也 無復遺憾焉 誌本傳

本傳

津阪孝綽註

楠正成河內八左大臣橘諸兄之裔也諸兄敏達天皇六世之孫

居山城井手里世因稱井手世居金剛山西川郡東

相公正成其十五世之後也

和舍多楠樹因以為氏父正康元註一作正母其

氏禱志貴山生正成山在大和山神毘沙門也以故

小字曰多門按太平記正成爲兒嬉戲常爲營壘隊

有瞻若年甫十六從父與尾綱幸戰斬首十七級

嘗受鎌倉命討反賊安田于組又伐渡邊越智皆平

之元弘元年帝避北條高時兵幸笠置寺帝怒北條

高時跋扈

上圖行廢立諸朝將遷車駕於六波羅八月廿四日

帝奉神器夜潛遁如南都廿七日遂幸笠置山下詔

畿大和河內伊賀伊勢之兵赴難笠置山屬山城相

樂郡去南

都半日程四方少勤王者帝頗憂之適夢紫宸殿前

廷有一大樹南枝景樂樹下設南面座百官班列忽

有二卯角來跪指座泣奏普天之下無所容聖體唯

此座可以坐也覺而自占木傍南楠意將有楠氏者

出俾朕再正南面位也召寺僧快元問之對以正成

帝謂所夢殆是遣藤原藤房徵之藤房大納言宜房

之子時爲權中納

言正成登詣行在帝使藤房傳命曰卿應命即至允

足深嘉今日之事一以煩卿卿其有何策以決廟勝

詳陳其所見正成對曰逆賊暴虐自取禍譴天討所

加莫不勝也但東夷之性勇而無謀若以力爭則武

藏相摸之兵天下無敵焉以謀屈之則易與也然成

敗兵家常事或遇小衄願勿為回聖慮苟有臣存何
患不濟辭歸城赤阪城方可二町三面平地在河內

西鹿東條川西岸唯東方一面頗險十盛事急不暇
別相收姑就其所居而城焉明年所使平野將監守
者與此名同而所異在金剛山北方土守者僅五百
人取民儲以充兵食虞行在不守迎駕拒戰也板築

方畢而高時將大佛貞直等十餘萬已攻陷笠置京都

六波羅鎮將北條仲時北條時益遣檢斷使摺谷宗
秋隅田通倫率諸國兵圍笠置城堅不拔高時遣大
佛貞直足利高氏等將關東兵至進攻不能克洵山

義高小見山氏真率兵五十餘人以飛鳥路村民為
導北從觀音谷總藤葛以上會夜有暗甚密隨巡夜
卒後周觀諸營有訶問者輒答曰巡夜更成守者而
過至行殿傍縱火誼噪外兵以為有內放鼓譟相應
聲振山谷官軍驚潰帝潛出圍將幸赤坂至高田山

貞直等追獲帝時九月廿八日也仲時等以兵事
駕赴京都幽于六波羅親王公卿以下分拘于諸將

家乘襲奄于城下正成先遣弟正季一作正氏及和田正

遠以兵三百伏城側山中敵眾視城小易之日直用

隻手提去耳輒薄啤急攻城兵亂射雨注殺傷千餘

人敵驚出而退脫甲解鞬為下營計正季等敵之分

兵為二鼓譟而進賊兵連鋒突出合勢奮擊敵狼狽
而走器械鞬馬委棄載路尋復來攻圍數重正成豫
索懸外燭俟其四面而爭登而斷索敵隨牆顛因運投
巨木石壓殺七百餘人敵更蒙楯競進鐵搭鉤啤殆
壞城中乃以長柄杓沃沸湯敵皆傷爛自是退守營

柵計持久以困之初正成築城倉卒儲糧不多至是
謀於眾曰我數有利而賊勢不挫內乏資糧外無救
援欲率先天下以建功業者死固在不顧也雖然臨
事而懼好謀而成亦智士之所尚焉我今陽死賊必
引歸歸復聚眾出戰我逸彼勞制勝之道也眾皆然
之即夜會風雨晦冥咫尺不辨正成爲二大坑填以
灰屍積薪于上留一卒戒曰侯我行遠放火燒城乃
與眾三五分伴潛過敵營而行敵不之覺及火起爭
入城見坑中焚屍以爲正成信死引兵旋于關東正
成乃匿于金剛山北條仲時北條時益六波羅鎮將
鎌倉北條氏

所置更遣親兄弟二人護衛京城兼掌中遣湯淺定

佛守赤阪二年車駕西狩隱岐三月七日帝如隱岐

岐尚特置以仕官軍皆解夏四月九日車駕至

攻赤阪定佛命領邑民夜輸糧米正成謀知邀而奪

之夏苞戎具如米狀使卒三百陽爲輸大擔致城中

州出兵爲追擊之狀城中望見以爲輸夫爲敵所追

乃開門納之既入披甲謀叫外兵應之折關並改定

佛遂降正成併其兵徇和泉河內進屯渡邊橋津西

成那當時天下第一長橋云今稱京畿大擾仲時時

天津橋大阪府下三大橋之一也益道州出師治前益道州宗康將兵五千餘來攻十一月一日

益道州出師治前益道州宗康將兵五千餘來攻十一月一日

正成分一千八為三伏天王寺側天王寺既在正成所創大伽藍當時在生王之境石山之東屬東成郡西北去波邊橋可五十町土俗所稱舊天王寺是也若今天王寺茶臼山之東不詳何時多于此弱卒三百守橋皆羸黑繩距橋一里許其非尤明矣繼及戰軌走誘敵窮追比過天王寺伏兵並起敵大敗退至橋人馬擁溺死者無數遂月仲時時益又遣宇都宮公綱以兵五百來攻和出孫三郎某謂正成曰偶川高橋五千之兵我已破之乘此新勝以挫公綱何難之有請出兵逆擊正成曰兵在和不在多公綱阪東驍將從以紀清兩黨是役承敗衄之餘僑軍孤進志在必死使我能知所囚亦多天下之事豈正

今日宜愛士力以圖後舉也我今輸彼一籌引退數日出奇誑之則坂東慄急之士氣索而去矣所謂見小敵怯見大敵勇不戰而屈人之兵者也棄陣而卻居數日遺卒三百及民兵數千大燃炬火星布山澤如此連夜滋多滋逼公綱勒兵嚴備意其眾且盛也終潛引還正成復入天王寺請寺僧觀上宮太子未來記其文曰當人皇九十五代天下一亂而王不安此時東魚來吞四海日沒西天二百七十餘日西鳥來食東魚其後海內歸一三年如獼猴者掠天下三十餘年大凶變歸一元正成悅曰識文所謂人皇

正成傳
卷之五

十五代即今上也水魚吞四海相摸入道是也高時

模守羅髮號崇鑑世因海相摸入道侍俗溺佛官人多覺深者稱曰入道高時以爲人道群下爭慕效之

府廷焉西鳥食東魚當有起兵滅關東之入也日

及四天三百七十餘日指上在隱岐歸闕反正當在

明年春也世俗傳道天王寺有號尸王藏記周而因

以金裝刀如僧益優厚士卒禁止暴掠遐邇歸望兵

勢彌張尋還金剛山築寺劍破據之千劍破城在金

深谷東高百丈西七十五丈南八十丈北二十丈唯東南一隅僅可攀躋使平野將監守

赤阪此則所改卜築爲千劍破之支城在明年春二

高時偃大發兵遣二階堂貞藤團兵部卿護良親王

於吉野親王帝第三皇子初升兵部卿嘗爲僧號尊

雲法親止爲八位座主居大塔時人因稱大

塔宮並置之敗王匡于吉野十津川至是與赤松則

祐村上義光平賀三郎等赴吉野招救賊徒據寺爲

城以兵三千守之以應正成良入似良直攻千劍破

阿曾始治赤阪將監拒旬餘有暗渠爲敵所泄

時久旱兵士困渴敵仍以火箭焚樓櫓將監力盡

而降送六波羅斬之將監以衆川降仲時時益盡前

會貞藤陷吉野護良南走賊軍力戰七晝夜不能克

城軍悉請逃形請夜縱軍後夾擊之山後總入腕

城前後悉攻外城已陷王親戰合甲著七矢賴火

中兩刃流血林林繼人幕中命酒與將士訣左馬頭

村上義光戰被箭十六遠來疏曰事急矣請假

鎧裝代大王外大王乘間出走王弗許曰則則何忍相棄義尤爲起自解王鎧著之登譙遙望

王去遠乃大呼敵軍曰先帝第三皇子謹良自刃汝等行爲天兵致以視以爲式乃割腹抽腸以投于室而斃子義隆從王拒後賊追及王貞藤與時治兵悉義隆留戰於王終得免走高野山
集千劍破軍勢大如兵族百萬實二十城東西臨谷南北敵峰斗拔數十仞周可一里敵恃其衆熾附急攻城中大發矢石拒之敵亦傷無算冷吏十二人注之二日夜不絕書乃令軍中禁擅進安營環守城有泉五道雖旱不涸正成作大槽數百貯水每日得五斛許汨以黃土養其性又每雨引屋溜於槽水常得足而敵疑其外汲也令石越越前守某兵三千守東溪止成伺知守者稍怠拂曉出兵擊走之獲其旗幕

翌日張之城上呼曰此昨日名越殿所遺煩部下人灑來取之越前守愧忿率五十兵拔營進薄城兵下巨木仍大發射以傷累盡敵服其機益成持久之計正成乃縛藁人數十被甲持兵夜開城外壯士五百潛蔽其下味爽鼓譟誘敵伺敵來擊略發數箭遂巡入城時方霧昏敵衆不曉競赴藁入城上乃連下巨石殺傷八百餘人
宋畢丹遇與金人戰數有功勇衛以水櫃敗我再遇夜縛藁人殺千一
衣以甲冑持旂職戈矛儼立成行味爽鳴鼓勇人驚視丞放水驅旋知其非真也甚沮乃出兵攻虜人營敗成頗相類敵爲飛檣欲入城中叢擲火炬唧筒灌油橋燒斷敵陷深谷焚死數千人
高時聞諸將臨攻使女責讓之

於是諸將議遣飛梯繫以鐵索下施車輪轉軸起
起陸抵難殊猛士數千人爭先進登城仲亂投大
數百啣筒灌油如雨橋忽燒斷毒烟烈火山壁震動
眾悉墜谷焚滅唐朱此攻奉天使僧清堅造雲梯
廣各數丈城上人投草炬散松脂沃以膏油謹呼
地須度雲梯及梯上人皆為灰燼臭聞數里賊乃
相類絕會近郡民兵奉護良親王之令截敵糧道敵
中大困逃入相繼仲時時益又遣守都宮公綱助高
直公綱以手兵千八疾攻不能拔公綱赴援東軍復
牛登皆破重鎧鉞而提長刃大斧一人在前一人推
後前者後者代攀樹繞巖魚貫而登城上飛箭雨
注大石摧堅不可攻乃鑿地道以陷城壞樓推
不敢却然賊堅不可攻乃鑿地道以陷城壞樓推
城中悉力禦之士皆殊死戰會帝幸那和那和莊在
公綱智勇俱因竟不能克那和那和伯魯那和
那和名鈔那作奈今作名二月廿四日帝與左少將
源忠顯潛出隱岐二十七日至于那和港那和地頭那

和長年迎護車駕宗族守城上山拒追兵大破之
於是近國將士大集行在軍勢日盛乃下勅四方討
北條諸將攻克六波羅先是小松則村在播磨應八
高特兵絕山陰山陽糧道遂進屯攝津摩耶山數與六波
羅兵戰帝遣源忠顯將山陰山陽兵援則村收復京
師忠顯率諸將進入京師攻六波羅不克而退時賊
將足利高氏率兵援六波羅志歸順五月七日忠
顯與則村高氏兄島高德殿法印良忠等併兵並進
攻六波羅拔之仲時時益奉光嚴帝東奔道中伏
任新田義貞在干劍破之軍不濟奉大谷親王令備
病辭國舉義關東將士爭附五月八日交謙禽成之
高時舉敵皆解圍潰去正成出鏡師尾擊之殺護
族伏誅敵皆解圍潰去正成出鏡師尾擊之殺護
二月受相持五閱月車駕還關五月二十三日
田守即墨何以過諸車駕還關五月二十三日
入示正成乃率兵七十迎謁于兵庫在攝津帝親
勞之日大事速成一卿所效正成謝曰不賴陛下威

靈臣曷得出賊圍復有今日詔前驅入京師後高直
等擁餘衆在南都若謀犯京師正成副左近衛中
將源定平討而降之高直等皆送於京師伏誅建武
元年討僧憲法于飯盛山半之憲法北條高時從弟
北條時光起兵據飯盛山大掠迎郡兵二萬人以
正成率兵六千討平之飯盛山在河內讚良郡
功爲檢非違使左衛門尉任攝津河內守護此疎太
之也湊川墓碑則書阿壽泉三州二年新山義貞
想別有據見未知孰是侯博識考之
東討足利尊氏尊氏即高氏御名之字改爲征夷
愆之尊氏乃因死嬪護良親王以反逆誣之帝
怨絕護良流于鎌倉尊氏弟直義鎮鎌倉遣兵迎衛
塞士卒幽之防遏甚嚴建武二年七月北條潰孽時
行起兵攻鎌倉直義戰敗出奔猶唐王在後爲患命

淵邊義博還狀之秘不聞八月帝拜尊氏爲征東將
軍假節鉞往討時行傳氏與直義合兵攻之時行敗
走尊氏人鎌倉據之關東八州隨風而靡詔召還京
師傳氏不奉詔遂反初尊氏潛蓄異圖畏護良未發
護良既遭害又懼於義貞乃上表譖義貞義貞怒亦
上疏譖尊氏義皇子及衆驚之非帝始知尊氏大逆
用道命正成與諸將留衛京師延元元年尊氏犯
義貞討之去年十一月義貞賜節刀東征三月與尊氏直
闕義貞于箱根及竹下大友負載鹽冶高負候反降
于賊因與夾攻官軍收績尊氏乘勝長驅西上衆號
八十萬時赤松則村友于播磨南海山臨諸國相繼
兵起尊氏遣人招之止成以兵五千禦宇治氏兵
並擊京師朝廷震驚正成以兵五千禦宇治氏兵
攻大渡日大渡遼京之要津也官軍敗績正成氏
日帝遣義貞守大渡義貞弟義助守山崎正成守宇
治長年及結城規光守勢多正成遣使言義貞日山
崎之兵烏合之衆不足恃宜疾益兵義貞不從八日
尊氏攻大渡不能克使細川定禪亦松資攻山崎

義助退義貞及諸路 帝幸延曆寺 十日車駕幸教

官軍皆潰走還京師 帝幸延曆寺 十日車駕幸教

火燒正成乃與諸將守行在與義貞結城宗廣那和

長年等攻京師 結城宗廣自與之白河率兵從鎮守

難比至鎌倉尊氏既西兼程追躡人後與義貞正成

長年等擊賊將細川定禪于三井寺走之追入京師

急攻 遇敵共五萬于出雲路 京師相國寺東北有山

云 正成辨楯數百枚遇敵馳突乃鐵勾相連敵以發

射退輒縱精騎乘之敵披靡而卻是日諸軍獲捷尊

氏西走遇暮正成謂義貞曰今日破賊殺獲無幾

而不知尊氏所適以此少眾頓留京師恐士卒貪財

四出不收豈得無反襲之虞如前日事耶且敵乘勝

機後恐難制莫若旋軍養力一舉驅之數千里外地

義貞從之引還尊氏復入京師翌日正成遣僧數十

人于戰場歷索死屍詐泣曰昨新田北畠賴氏等七

將戰沒將為求喪收葬敵聞以為信乃取屍首似義

貞正成者梟之 嘗有以善哭見者正成養以為士人

泣甚悲人異而問之輒曰昨日北畠新田等諸公戰

歿聞吾補公亦為亂兵所害冀索屍收之泪下不已

參涉動人於此敵以為信相激兵備以故 於是正成

與諸將潛軍夜發別遣卒持炬遵山西行綿綿相屬

敵軍望視告尊氏曰官軍失將領今皆亾去尊氏遣

兵要諸道餘眾不復警備詰旦正成等進入京師放

火掩擊敵軍驚敗尊氏竟西走遺棄器甲蔽路正成
 遂與諸將追至豐鳴河原在攝津郡與足利直義戰正
 成引兵出敵後直義不戰而退與尊氏歸海遁尊氏
 京師也豐後大友貞宗將舟師三百隻來援尊氏及
 其敗退于渡川貞宗勸之日少賊負經在鎗紫赤頃
 心將軍願速駕舟招發九國兵以乘再勝可期矣尊
 氏從之與弟直義共走鎗紫正成遂北直欲渡海擊
 謂賊已窮追緩之何害且師老矣姑且休士然後討
 之未晚也正成曰方今官軍屢克勇氣百倍賊兄弟
 敗亡之塗濬落流竭一舉可滅也今失機不取若殉
 九州勢復振則山陽南海必危而從之後噬臍無及
 矣願將軍熟圖之義負竟不果諸將斂軍還京師
 夏五月尊氏直義引大兵水陸並東尊氏率舟師五千
 將步騎二十萬由陸而進義貞拒之兵庫是時義貞攻赤松則村
 萬由陸而進

東下釋圍退也兵庫初義貞之西征也正成奏請俱
 往弗許義貞攻圍則村數月不下尊氏以其間輸築
 柴併九州勢復熾山陽山陰諸州蜂起詔正成行助
 應之遂合諸軍水陸並進京師大震
 正成奏曰賊收九州軍勢必昌熾以我疲兵恐不能
 當宜召還義貞車駕移蹕山門稱散縱賊入京師而
 臣還河內招聚畿縣兵塞河道絕糧運待其疲散然
 後前依齊進一舉可斃也揣義貞之計亦復及此但
 不戰而退涉于物議故不輒歸耳夫戰者雖始之或
 負欲終之有利請加重思傳氏新得九州勢張甚官
 計敵之且兵庫地勢平曠不可軍罷敵眾寡不敵故欲以
 以待大敵正成所以深慮也藤原清忠以謂宜速
 遣正成決戰都外帝從其言清忠城坊門氏時為參
 議好立意見本傳日尊

氏大軍水陸進逼京畿大義貞也于兵庫備要衝
詔正成往接正成建議言賊鋒不易當宜召還義貞
車駕幸新曆寺縱賊入京師因絕其糧運臣與義貞
清忠不可日自王師東征逆賊西走威靈所加莫不
必以制眾是天助非戰器也況賊今散所帥必不
及前日東來之強盛且未聞節度使與賊接鋒然陸
下舉措遠棄京師則征討將士亦隨生思且今
春已一幸延曆寺今復倉皇多蹕于彼則因何示萬
乘之重哉臣謂宜遣正成決戰都外帝納其言遂遣
正成正成退而嘆曰天下之事殆不下為也我唯有
死而已豈非天哉嗚呼安議掣肘千載遺恨劉宋沈
慶之有言曰新宜問奴織宜問婢今欲伐華奈何與
白面書生謀之即武事宜委師臣之謂也清忠何人
傲誕敢爾孔子惡利口正成即以五百騎上道至櫻
之覆那家止為此輩也

井驛在攝津以所賜菊作刀與子正行遣還河內正成

必致命不得生還故特遣汝歸家遣囑辭辭以善繼

父志自勵忠貞拊循子弟相時而動以圖恢復不濟
亦之尊氏喻以重利誘之慎勿負國恩為後世所嗤
正行請從弗許曰父子俱亦遂進陣湊川以當尊氏
陸軍義貞陣和田崎以禦水軍義貞會正成謝其來
繼收卒當之固難矣去年喪軍關東以致輿議今又
承勅西征未非攻拔一城開賊大軍將至遽然引還
我窮而進雖時以不郵勝敗命一戰耳正成慰之曰
見機而進雖時以不郵勝敗命一戰耳正成慰之曰
公往歲摧破北條高時今年因蹙足利尊氏抑難聖
運所然亦皆公之武畧也公之於軍旅其誰得問然
義貞為尊氏先鋒細川定禪率舟師向紺邊義貞拔
軍赴拒而尊氏全軍既登兵庫湊川和五崎滿邊共
那繼遣个作神戶義貞傳曰敵軍水陸數十萬至姓
旗翳空舸艦蔽海義貞部分諸將使義助將五千人
陣于經島大田氏明三千人于燈燼堂南以禦水車
正成以手兵七百餘人陣湊川西以禦陸軍義貞

正成以手兵七百餘人陣湊川西以禦陸軍義貞

自將二萬五千餘人守和由奇以策僊諸軍賊先鋒
將細川定輝以舟師數百隻進向經島義助兵擊破
之定輝更欲絕官軍後卷舟而東赴紺邊浦義負與
義助以明旨空營悉奪其兵緣岸逐舟而東與正成
和隔教里尊氏大艦數千艘以其間自和田崎登取
官軍營地繞出正成軍後直義步軍從須磨來正成
腹背交擊遂敗正成望之謂正季曰大軍隔絕敵滿前
後吾道窮矣乃赴直義陣縱橫奮擊幾獲直義直義所騎
馬中箭斃帶毛良後獲馬藥師寺公義以尊氏遣六
已馬授直義力戰救之直義僅得脫走尊氏遣六
千餘人斷軍後尊氏專當義負見直義走正成回戰
數次士卒殲盡躬被十創退入民屋謂正季曰今日
送灰九界吾子欲何所託魂正季笑曰願七生人間
以滅朝敵正成怡然與之交刺死延元元年五月二十三日

歲湊川遺墳所葬其屍也在河內族十人或云十殘
觀心寺者蓋葬尊氏所遺之尤云族十人或云十殘
兵六十餘人或云五十四人割腹並斃帝追悼不已贈正三
位左近衛中將原註按海松論曰尊氏奔鎭紫自是
而昭尊氏與之和輯若須使命臣請往焉眾皆喚之
正成私言朝廷得滅北條氏尊氏之功天下將士莫
不屬心焉所以官軍雖勝應者常勞尊氏雖敗從者
每哀彼必服東西國期月奄至不可禦矣既勅拒尊
氏正成到攝津尼崎還奏口曩臣私據金剛義合國
中以得濟功此民心屬王室也今臣以本國守護承
勅命召兵然雖臣親感納有難色此民心離王至也
戰必敗矣梅松論足利氏家臣所撰故援正成以蔽
尊氏之惡不足信也子正行正時正儀正儀自有傳

正行敘正四位下為春宮帶刀檢非違使左衛門尉
兼河內守初正成拒足利尊氏于兵庫池正行年甫

於之絕壑試其跳超獅子生而三日能學其父投汝

今十餘歲能記吾言我行安危決矣不可復觀汝也

至外之日天下必歸乎尊氏汝當收合殘卒保金剛

山公生以之慎勿出降以墜乃父忠聲汝之孝莫過

焉汝以所賜菊作刀泣訣正成戰沒湊川尊氏送亢

於其家正行見之不勝悲慟起詣佛龕拔正成所授

刀將自殺毋趨抱持之母不知曰故判官之道汝

敘從五位任檢非違使左衛門尉本六位特進五位

則稱判官古者此弁以爲殊榮如源義經每臨敵陣

可見已非以薦福亦非以殉歿意教汝保合族黨

舉兵除賊再致天下於天子也汝面奉遺言還以告

我而言猶在耳漢然若弗記吾恐汝背國事也正行

愧止自後與童輩遊嬉常爲搏戰馳逐之狀莫不以

討賊復讎爲事也本善別正正行母傳自年甫十一

後醍醐帝出化山院御內山花山院在京城近南西

一條內山在大和山邊郡正成既戰後義貞敗績尊

氏長繼嗣示明帝後幸教山義貞及諸將守行在拒

尊氏互有勝負尊氏分置諸將以兵扼諸路授官軍

糧運於是行在勢孤援絕飢窮且甚尊氏乃遣使伴

爲降順請洗罪奉車駕還京師作誓書上之帝聽之

尊氏大喜謂主上睿明已昭吾計中矣又贈書

從駕諸將招慰之於是義貞奉皇太子北奔赴前車

駕還京尊氏使直義率迎遂幽帝于花山院置兵監

衛悉奪從駕公卿宦拘繫諸將士率多殺之無何帝

十四

正行與從弟和田正朝等來赴及帝崩入宿衛元

四年八月十六日帝崩于吉野正行時十後村上帝

踐祚之初屢出兵任吉側以挑敵軍任吉在攝津任

正平二年足利氏遣將細川顯氏以兵三千來攻

河內距金剛山七里而舍聞正行將攻矢尾城在河

江郡賊黨秋謀候其山遠徑至金剛山下斷後鑿之

正行撥聽率共七百伴向矢尾縱火所在潛還蔽譽

出林而內擊在河顯氏望矢尾烟以為敵果攻

彼乃馳赴金剛山無復隊伍比過譽田正行兵叫呼

突山顯氏大敗直奔保天王寺山名時氏以兵六千

援顯氏屯于任吉正行計先破任吉則天王寺兵不

煩攻可自退乃分兵二千餘為五隊放火民舍而進

望敵軍塵揚以謂彼陣四處而兵倍於我不宜分勢

復併五隊為一大戰破時氏于瓜生野在攝津餘眾

隨潰至渡邊橋前溺者無算時氏被創走明年正行

進逼京畿益氏憂恐乃令高師直及弟師泰發兵八

萬來攻正行與弟正時和正朝等百四十餘人歃

神水誓外詣行宮吉水實城院自奏請曩者先臣

正成展微功夷疆賊以安宸憂無幾天下復亂逆賊

西襲終致命於湊川臣時年十一遺言遣還河內保

結
卷之一
十五

合族黨復將除滅朝敵俾寓內再歸皇化也臣常恐
以有待之身遽嬰不測之疾上而為不忠不臣下而
為不孝之子然今師道師泰將來犯實臣報效之秋
也若非獲彼首則授臣兄弟首於彼雌雄之決在此
一戰願得一拜龍顏而去言畢泣下帝親臨日勅曰
以前兩次之戰每得克捷汝累世武功殊可嘉當開
賊復盡兵來侵事勢固弗輕雖然知進而進欲不失
時也知退而退欲保後也汝朕之爪牙慎當自惜正
行頓首而出率眾詣後醍醐帝陵在吉野塔尾山藏
寺中號塔尾陵王堂東南如意輪恭謝曰戰如不利弗一生還叩鐔而起題同

盟姓氏於如意輪堂如意輪堂在吉野金峯寺正堂東三百步書歌於

其後曰阿豆佐由美比岐加倍佐志斗於毛布余利

奈岐加須珥以流奈於曾斗牟流各截髮納于佛

殿而後發帝使中納言藤原隆資援之師直入河內

分兵六萬陣伊駒山南及飯盛山外山四條畷四處

並屬讚良郡外山里在秋篠之西今稱中山村元祿中官吏外山式來為讚良宰以避而改焉高師直侍

日佐々木高氏縣下野密武田信氏等各將一隊分陣四處師直以大軍居後親將餘軍居

後隆資率兵三千陽為向飯盛山以縻敵軍正打兵

三千由四條畷而進飯盛山敵望之分兵遮擊正打

以先鋒破之縣下野守與正行後軍與四條畷敵戰

前隊接戰敗而退

殺傷相半飯盛山伊駒山敵兵前後奄主後軍見敗

退走武田信武進與正行後戰佐々木高氏率兵

赴本軍宜縱其進從後掩擊正行不願以兵三百直

前奮擊受大破師直兵正行特以敢勇士三百銳進

章等交進戰皆敗止行乘聚兵八百餘人馬皆被數

矢眾乃下馬據礮坐食食畢步進接戰益勵遂追師

直陣上山高示為稱師直冒陣戰外其甲鏤連環節

高氏紋也正行注曰師直與高元見事急取

師直親以脫走夫高元據身代師直與村上義光為

大塔親王代於小山田高家救新田義貞殺其見

危致命勇氣之偉幾平魂美矣然此事稱義光高家

忠烈贊嘆不容口而高元則莫得此稱焉反惜其誰

官軍而令賊將得脫免欲唾之其袋貶榮辱乃爾天

淵矣孰謂人心無春秋乎然則凡師之與慎終于初

辨美不義可不正有人喜擲首于空中手承者一再

審其所與哉既而知其偽也乃投首于地蹴且罵曰汝上山高元

邪汝亦無雙朝敵矣而勇則可賞乃親斷衣袖裹首

道十礮上是日自卯至申戰凡三十餘合殺傷數百

十八吾兵死以略盡乃與餘兵五十餘人負楯佯走

以誘師直敵覺之遣支兵三百人正行返戰斬五十

餘級遂前復迫師直軍正行無趨師直相爭數十步

下如雨土皆創莫能興正行正行正時體中數箭兵皆重創不可

用正行乃呼曰事畢矣莫為賊所獲與正時交刺而

斃正時忠勇義烈與正行說美真可謂難兄弟矣惜其行事不少概見僅附見于此耳良可恨也

二十二從兵皆自殺其他宗族和六郎左衛門及二

子野田四郎及二子楠將監西河及子關地良圓金

岸兄弟畠山與三及六郎河邊石掬九次家掃部助

四間了願譽田某禁峰某凡二十三入從兵九百四

十三元註一作五百悉戰歿時正平三年正月五日

襲吉野中納言隆資領殘兵馳還奉帝幸元大帥直

繼父行在神祇佛閣湯盡自是遂以元太為行宮云

元太屬吉野郡正平七年改元太為賀名生見園人

曆遺構稱黑木御所今尚存焉鄉士堀氏世守之蓋

經五百許年未嘗隳正行嘗朝吉野路遭高師直誘

災云因附記于此

出宮女辨內侍遣卒迎之內侍在輿中啼正行悉斬

帥直卒奉還以聞帝詔即賜內侍正行辭以歌曰斗

氏毛余珥奈加羅布倍玖毛阿羅奴美能加利能知

岐利遠以加氏牟須波牟釋內寺者有少辨藤原俊

殺母則出家遁遊內侍孤養於三位行氏既而入宮

及先帝幸吉野從之行氏留仕北朝內侍慧有姿色

高師直一見心歎窮寄殷勤者數而內侍不應於

是師直噴行氏夫人以祿利夫人惑之因書遺內侍

其道此離之情且日將詣于任吉欲徑路川內高安

託所識以待幸一來會此而不見忌為永訣尾載歌

辭太惻惻內侍既早失怙特謂夫人母執書悞惱遂

乞假輿赴高安至則夫人不在使人曰嚴不得來此

請更過任寺師直預置卒二十人即擁輿行內侍始

大駭怨罵命僕回輿不敵僕皆闕外內侍在輿中泣

卒諱相語曰後于任吉者男君非女君也駭女擡輿

輿中泣宜哀憫而問之乃內侍也正行悉捕其人朝

之遂護輿而歸于朝上大賞之詔賜內侍正行回辭

南木志

作歌陳意當時皆未審解其所詠及至其戰外四條
之役而後愈益哀其志云蓋正行義不迫禁營不但
知陣匹之不可道物亦所以明君臣之分也昔唐玄
宗以官人賜邊將郭知運王賡等賸獨不敢曰臣之
事君猶子事父詎有嘗近開掖而臣子敢當乎嘗外
以免時人美之正行之志實亦在茲矣其祖賴政義
負高貞等事 瓜生野之戰正行援敵溺卒五百人給
衣藥視養數日因援鐵馬禮而遣之敵或感恩來降
及戰從死者眾云子多門九先卒元註一說正行子
正綱官至左近衛
中將不知孰是今按本朝通鑑曰正行聚攝州野瀬
莊內藤滿幸女生男號多門九正行死時年三歲又
有遺腹子及正行死而滿幸屬高師直正儀怒而歸
旁嫂於滿幸家滿幸嫁之於池田教依而生男於池
田家實正行子也長號池田六郎教正後屬細川賴
之顯戰功子孫世冒池田氏及其苗裔輝政從烈
祖有勲勞于國家受封播磨
磨傲然為關西雄藩云

楠正儀正成子正行弟也任左衛門尉兼河內守遷
左馬頭兄正行時戰歿正儀留居河內高師泰築

壘石川攻正儀畠山國清尋代之師泰師直之弟也
石川河內邑名正

平三年正月正行與師直師泰戰於西條畧歿之天
子避師直兵幸尤太師直焚行宮而還師泰攻置正
儀於石川築壘屯兵明年閏正儀始終固守正平五
六月國清來代師泰相持正平五年十二月直義僧
師直師泰擅作威福謀欲

年國清從足利直義歸順正平五年十二月直義僧
師直師泰擅作威福謀欲
除之而反為所備計窮難免號惠源猶不自安宵遁
走大和依越智伊賀守又懼王帥來襲伴進使上書
款附詔許之討尊氏自效然終不來降唯為緩王師
之計耳時師直殺國清族直宗以其黨直義也國清
怨之棄石川壘爭其眾住處直義順也直義時賊將
輩以南朝為通逃淵藪耳非實勇順也直義之請降

也中納言藤原實世請因其降而誅之其議
正儀因
然正明年二月直義果復叛國清亦賜去

出兵為之聲援七年足利義詮送欵

行尊氏率兵討直我于鎌倉小

師空虛義詮留守懼王師所襲乃伴歸順屢遣使請車駕還京師詔許之義詮廢其所立崇光帝去觀應號奉正平號收劍爾送行宮事在六年之帝親御軍冬至明年二月車駕發行宮赴京師

宣言幸京師實欲襲義詮行在吉次前伊勢國司右

衛門督源顯能北畠准三官親房之子鎮守虎將勇

後任右大臣敘從一位將伊賀伊勢兵三千自丹波子孫世襲伊勢國司

路進丹波路京師西郊正忠正儀分道入京師故自至

也正儀與和田正忠率兵五千夜渡桂川大堰川下流

味爽與細川顯氏戰破之斬其從子八郎細川賴春

踵至正儀兵以楯為梯登屋亂射敵兵沮靡田儀縱

騎突擊斬賴春義詮走近江義詮凱送見允不致

等逆戰皆敗義詮與從者百五十人東走光嚴光明

崇光三帝為官軍所虜

車駕駐蹕男山又稱八幡山在京師南半日程車駕

義詮以大衆來迫義詮走至江武佐寺土岐賴康

率騎三萬漸進至東寺官軍退于男山細川顯氏赤

正儀正忠率兵三千拒之荒坂山稍得利有組伊牟

與斯波氏經等塞東條路以絕男然眾寡不敵退陣

男山敵兵合圍勤王兵不至眾議令正儀正忠還河

內募兵正忠還家暴病卒正儀退撓不以時赴援王

師終敗績義詮奉崇光太弟稱義詮復陷京師時人

兩下志

謗正儀謂墜其家聲既而正儀發兵與吉良滿貞石

塔賴房等先是滿貞賴房等歸順平兵攻攝津擊守

護代某走之即賊將佐木木明年與和田正武

從中納言藤原隆俊會山名時氏攻義詮於京師義

詮陣神樂岡出兵蔽林間正儀等欲知其眾寡使兵

五百下馬徒步以誘之徐近敵陣佐木信詮出戰

正儀擊卻之義詮不戰而遁十四年畠山國清大舉

西上是時義詮弟基氏居鎌倉管領關東頃得亡心

為義詮所忌基氏懼請發兵攻吉野以自效義

詮聽之於是基氏遣使事國清發關東八州兵二十

萬率以向京師軍容甚盛行在表恐足利義詮統國清等諸將犯天野行宮天野在河內

車駕自賀名生徙天野年另莫考天野山正儀與和

金剛寺中摩尼院即當時行宮云田正武入奏曰

是戰臣等為官軍保必勝也未斷貴

乎兵者三焉曰天時也地利也和也今歲大將軍

在西利東討不利西征消誓出共向西先是國清薙

是逆天時也官軍所守前大河後深山元弘以來賊

來攻數四每不利而退是我得地利也道誓外藉軍

興內貫專功邀賞倫輩嫉之是失人和也失此三者

雖百萬兵不足畏也但行宮地勢不便請誓移蹕觀

心寺在金剛山西臣等據千劍破日夜拒擊於龍山

石川又令湯淺山本恩地贊河諸族從紀伊守護代

臨治某守龍門山縱士兵擾敵令其不得休息敵必
倦而引還臣等乘機追擊破之必矣帝深然之移御
觀心寺正儀乃築龍泉龍門平石八尾等砦龍泉平石並
河內石川郡龍門屬祖伊日高分兵守之自以兵三
百據赤阪城以清等陣津津山在金剛山西北分攻諸陷砦
之進攻赤阪正儀退保金剛山誘之我詮尋引還果
如正儀所料正儀又出兵渡邊先是國清與仁木義
長爭權相傾至是托事于防禦私出兵正儀復入金
剛山國清與義長將交兵義長幽義詮變起蕭牆仁木
義長為執事頗暴顯而義詮信任之龜山國清
自始至京嫉其專權濟國除之結細川清氏等將合

兵攻之佐木廣氏亦惡義長獨與其謀事為龍
下義長乃幽義詮勒兵衛守求朝旨降教書以討
國清清氏義詮不得已從之而齊與高氏謀夜乘
人衣率親近三人間出側門脫去義長不知所出
奔伊勢據長野城於東京師大監於是所在官軍並
起敵諸城望風潰走正儀攻取水速城在河內丹比
某所十六年正儀攻佐木秀詮及弟氏詮於攝津
破之殺獲二百七十餘人溺水者甚多追斬秀詮氏

詮正平中仇々木高氏代取松光通為攝津守護
孫秀詮氏詮往守之正儀正武來攻秀詮氏全發
兵二十欲據神崎橋拒之出嚴光威氣言曰前守
護怯備動獲使探所以尊家公代鎮而今日南軍送
久復安得效前守護所為直須突戰賊之秀詮氏詮
然之率兵以進飲馬而息正儀謀知之遣數卒行呼
日敵西來何不守神崎橋秀詮氏詮乃回軍西還夾
路皆淖泥伏兵左右起射如雨眾亂且走平地官車

錄兵乘之軍大潰嚴光先渡橋撤板而錄俘虜悉給

衣藥放還是歲細川清氏降奏請發諸軍復京師義

長之秋清氏為此事與高氏不協為其所讒叛走若

狹據小濱城義詮遣其來討清氏戰敗奔攝津恐石

堂賴房順時將多攻附者各據其地並張官軍

士效義舉者日多而京師無勝兵臣於此時身為先

鋒與和田備等起突其虛一戰可破而臣等掃除官

甲奉迎變與在帝召正儀議對曰元弘以還王師

復京凡五多不假師徒所苦威力不繼是以雖屢得

之亦屢失之今欲取之不須清氏之力臣一人足以

辨之只恐取之後不復能守也若恥棄之致戰則舉

今版圖所有併失之臣愚未視其可也而帝及公卿

侍臣情切于還故都是以不從遂命正儀與清氏俱

進赴京師十二月官軍復京師義詮奉後光嚴帝走

頃之正利義詮督水陸軍來迫明年正月官軍奔京

南走義詮率諸將攻京師別遣赤松氏果如正儀言清

氏走河波與正儀東西河舉不幾清氏戰歿川賴

之所次殺王師殆燼正儀懼敵勢乘勝官軍沮喪欲

戰為之氣鳩集民兵得六千餘人進攻攝津波淨光

寺砦在河邊郡又與石塔賴房攻赤松光範攻多田部城

光範足利所這次尼崎在攝津河邊郡圍敵發大共引兵

還河內居久之任左兵衛督二十三年帝崩正儀竊

廿三

懷二志細川賴之乘機誘之上竟決策明年春密歛
于足利義滿奪氏之孫義詮之子承孫祖之義滿即
馳檄和泉河內宣言國人曰楠正儀已降我楠氏宗
族勤王不應之合從攻正儀細川賴之與義滿議遣
赤松之之細川賴元率兵救正儀未至正儀山城遁
至四天王寺遂入京與賴元相見明日謁義滿尋還
河內建德元年和田正武發兵與其宗族俱討正儀
正儀不利復歸義滿明年夏義滿遣正儀還河內因
發大兵爲之聲援是役也諸將皆謂正儀不得保河
南遂遂巡不進細川賴之勸義滿要諸將強令渡河

至秋正儀得還河內正儀既降義滿北主罷其官職
數歲授中務大輔弘和初歸順其爲左兵衛督仍舊
義滿命和泉守護山名氏清來攻與氏清戰于平尾
敗績宗族六人家入百四十人平尾在河內郡正儀
引歸保其舊邑據金山尋拜參議元中中卒正儀爲人
遲重好謀誠信接物其行其蒞敵先謀後戰故多不
至敗而於決機應變又其所短也正儀嘗與赤松光
範連疆相攻光範部下宇野正寬爲兒時小字熊王父爲
止儀兵所殺正寬自光範曰正儀君之寇也父之讎
也願委質正儀徐圖之光範壯其志與名刀遣之正

寬至亦坂因人于正儀

正寬至亦坂橋居兵車介忠

松光也併逐我故延至于此忠光憐之携歸館穀

儀召覓厚加撫慈正寬深感恩眷久之遂忘其歸及

年十五與之食邑辭而不受當父七田忌日欲遂

行凶心

其日止儀呂正寬於前加元服使和田正武

理爰為立姓字曰和田小次郎正寬取晉所

遂不忍進刺起山于外大嘔哭正儀怪問其故正寬

以實告之

正寬披露借故曰舊君之恩不可背父讐

拔刀將自殺左右抱持止之於是正寬剃髮為僧作

書致光範并返所授刀

退居嵯峨往生院其得十心

如此又與清氏入京也北將佐、木高氏捨節出走

命守者淨掃室內陳設名畫珍帖及諸器玩戒曰有

來者必酒食厚犒之既而正儀至大感其用意清氏

欲燬其家正儀止之更添置名鎧銀刀而去當時諺

謂高氏一擲贏得正儀刀鎧而正儀之優裕有禮可

以見其性度之一端矣二子正元

大日本史

南木志
卷之一
九五

南木志卷一終

